

MUSICONAN ARUBANO MESTER WORDE RECONOCI

ORANJESTAD(AAN): Den e conversacion cu **DIARIO** a tene cu Sres. John Jeandor y Elgin Juddan, a ser treci dilanti tambe cu **ASOMA** ta bay traha riba un proyecto pa profesionaliza nos musiconan, di manera cu nan lo por haya e reconocimiento necesario no solamente di

nos hendenan pero tambe di hotelnan y gobernantenan.

"Mester yega asina leeuw cu ta stop di importa musiconan di exterior pa toca den hotelnan lagando nos musiconan un banda", a ser comenta.

Lo cuminsa na duna curso- nan y clinicanan na nos mu-

siconan pa nan por profesionaliza nan mes, pa ora cu nan haya nan mes confronta cu artistanan di exterior cu nan musica, e musiconan di Aruba por demostra tambe cu nan ta lesa notanan y acompaña artistanan di afo.

"Nos ta yen di musico

profesional, pero e imagen den mundo hotelero te ainda ta negativo, algo cu nos mester cambia. Nos tin musiconan local pro-

fesional cu ta tocando na varios hotel y cu masha exito, pero tin tambe cantidad di musiconan di exte-

rior cu ta ocupando cuponan di trabao cu mester ta pertenece na nos mes hendenan na prome lugar".

E proyecto di profesionaliza e musiconan ta un di e prioridatnan cu **ASOMA** lo traha riba.

LO AUMENTA MIEMBRECIA DI ASOMA

ORANJESTAD(AAN):— E impresion ta cu miembro- nan di **ASOMA** ta e bandanan local di nos isla, siendo cu miembronan di **ASOMA** ta tur e musiconan cu ta toca y actua riba nos isla no bandanan.

Segun Sr. John Jeandor, president nobo di **ASOMA**, intencion ta pa convoca tur musico, y tambe tecnonan di sonido di bandanan pa bira miembro di **ASOMA**.

El a splica cu **ASOMA** no

ta solamente pa musiconan di bandanan local. Tur tocador y musiconan di trio, mariachinan, gruponan tipico etc. por bira miembro di **ASOMA** cu ta traha na interes di nan.

Lo convoca un reunion pa tur hende cu tin di haber cu musica riba nos isla pa duna nan informacionnan encuanto miembrecia di **ASOMA** y con **ASOMA** por atende nan interesnan como miembro.

ORANJESTAD(AAN):— Informacionnan cu **DIARIO** a logra haya di bon fuente a indica cu **ASOMA** ta haciendo tramitenan pa cuminsa accionnan pa por yega na nan sede, y tambe pa aumenta e cantidad di miembronan y trece un reorganizacion grandi den e Asociacion di Musiconan Arubano.

DIARIO a topa cu president nobo eligi di **ASOMA**, Sr. John Jeandor y Presi-

dent Interino saliente Elgin Juddan y a puntra encunto e plannan aki y pa confirma e informacion.

Ambos a laga sa cu e prioridad na e momento aki no ta especificamente e sede, sino mas bien cuminsa na forma e directiva nobo y despues traha riba e lista di asuntonan y proyectonan cu tin pa e aña aki y pa futuro.

Diasabra dia 12 di e luna aki **ASOMA** lo tin otro reunio durane cual lo reparti

puestonan di directiva y duna informacion na miembronan di e proyectonan.

Segun Sr. Jeandor y Juddan, ta verdader cu **ASOMA** ta bay traha riba nan centro of cede.

Lo bay evalua ideanan y plannan pa cuminsa mas pronto posible cu tramitenan pa por yega na e sede y tambe cu actividadnan pa recauda fondo. Asina cu ta cla cu e asina yama "Operacion Sede of Centro Asoma" lo bini cu mas informacion.

ASOMA TA BAY CUMINZA

"OPERACION CENTRO ASOMA"